

Surat khabar: Utusan Borneo (Berita Iban)

Hari/Tarikh: 6/8/2016

Muka surat: 11

Tajuk : Nembia IPTA di negeri tu diperansang nyereta unit beuniform PALAPES

Nembia IPTA di negeri tu diperansang nyereta unit beuniform PALAPES

Dikarang Rengenyang Labang

KUCHING: Raban nembia Institut Pelajar Tinggi Perintah (IPTA) negeri tu diperansang nyereta unit beuniform ti bisi ditumbuh ba universiti nyengkaum Pasukan Latihan Pegawai Simpanan (PALAPES) Langit enggau PALAPES Darat.

PALAPES ditumbuh ba palan pelajar tinggi baka di Universiti Malaysia Sarawak (UNIMAS) enggau tuju dikena ngelatih nembia IPTA pasal penemu soldadu ngambika ulih nyadi seiku orang ke bisi disiplin sereta ransing.

Tuju PALAPES nya ditumbuhka mega dikena nyikap peranak menua dalam bidang soldadu dikena ngenegapka pengawa ngenanka menua enggau pengetan nasional.

Nitihku Jurulatih PALAPES Langit, F/Sarjan Themotty Jagak madah, PALAPES Langit enggau Darat ti ditumbuhka ba UNIMAS bisi nyendiaka perengka guna enggau pengelembah ngagai nembia ke nyereta PALAPES.

Nembia ke nyereta PALAPES Langit enggau PALAPES Darat UNIMAS meseti teulihka penyampau jam

kredit (6) ngambika ulih enggau nerima 'ijazah' kelimpah ari bisi disediakan pemakai, perengka pengangkut, gari enggau kereban soldadu enda bebayar sekumbang timpuh belatih (PALAPES).

Elawin mega bisi disediakan nyengkaum elawin Latihan Tempatan, Latihan Berterusan, Latihan Kem Tahunan, Latihan Istiadat Pertauihan, Pakaian Seragam, Senggaraan Pakaian enggau Saguhati Tahunan.

"Nembia ke nyereta PALAPES UNIMAS ulih diau tetap ba kolej pengelembah tiga (3) taun belajar (ba UNIMAS).



BELATIH: PALAPES (Langit enggau Darat) UNIMAS benung belatih 'kawad' ba padang kawad UNIMAS dikena nyikap diri nyereta Pentauihan DiRaja Ke-35 ke diatur ba UM berengkah 5 ngagai 23 Ogos tu.



ALBUM: PALAPES UNIMAS begambar enggau bala jurulatih (duduk, ari kiba) Themotty (Jurulatih Udara), Sjn Musdiar Borham (Jurulatih Darat), PW II Peter Roja Joseph (KSM), PW I Nila Pau (SMR), PW II Bartolomew Siuieu (KSMJ) enggau Sjn Mohd Mizam Abeng (Jurulatih Darat).

"Berindik ari bisi pemanah enggau pengelembah nya, kami ngansak nembia UNIMAS nyereta PALAPES (Langit & Darat) UNIMAS, lalu ngagai nembia ke udah dipilih nampung pelajar ba UNIMAS ke bisi pengerindu nyadi PALAPES UNIMAS tau ngerejista diri maya Minggu Aluan Pelajar UNIMAS," ku iya madah ngagai Utusan

Borneo.

Nitihku iya, Minggu Aluan Pelajar UNIMAS ke lalu disempulung enggau pengawa pemandang unit beuniform, diatur kena 29 Ogos ngagai 2 September tu, lalu pengawa meri licha pasal unit beuniform UNIMAS enggau pengawa pengerejista, diatur kena 31 Ogos tu.

Kaban PALAPES

Langit enggau Darat mega bisi dikangau nyereta 'Pentauihan DiRaja' lalu taun tu Pentauihan DiRaja diatur ba Universiti Malaya (UM), ke nyadi tuai rumah 2016.

Pentauihan DiRaja diberi ngagai nembia ke udah chukup tiga taun nyadi kaban PALAPES, ke alai sida deka diberi gelar Lt Muda tauka 'Young Officer' ba Sol-

dadu Langit enggau Soldadu Darat.

Entara pegawai enggau jurulatih PALAPES Udara & Darat UNIMAS iya nya Mejar Razali Manan (Ketua Jurulatih), Kapten Mohd Faez Abdul Rahim (Pegawai Latih Darat) enggau Kapten Andy Indera Norakman Kamaruzaman (Pegawai Latih Langit).